

পিতামাতাদের থেকে পিতামাতাদের জন্য পরামর্শ

আইইপি মিটিং-এর আগে:

1. মূল্যায়ন প্রক্রিয়া, আইইপি প্রক্রিয়া, লভ্য সকল পরিষেবা বা তারা কীভাবে আপনার সন্তানকে সাহায্য করতে পারে তা না বুঝলে সবসময় প্রশ্ন করবেন। পিতামাতাদের সাহায্য করতে ও তথ্য প্রদান করতে পারে এমন সহায়সঙ্গতির সংগঠন ও প্যারেন্ট কাউন্সেলগুলি সম্পর্কে প্রশ্ন করবেন। **মনে রাখবেন প্যারেন্ট কোঅর্ডিনেটর আপনার প্রশ্নের উত্তর দেওয়ার জন্য উপযুক্ত ব্যক্তি নাও হতে পারেন, তবে তিনি আপনাকে যথাযথ ব্যক্তির কাছে পাঠাতে পারবেন। বিশেষ শিক্ষা পরিষেবার রিসোর্স হিসেবে ডিওই ফ্যামিলি গাইড ব্যবহার করুন।**
2. আপনি যদি মনে করেন আপনার সন্তানের বিশেষ শিক্ষা বা সংশ্লিষ্ট পরিষেবার পরিবর্তে কেবল সংস্থান দরকার, তাহলে স্কুলকে আইইপির বদলে সেকশন ৫০৪ পরিকল্পনার কথা বলুন। যদি আপনি নিশ্চিত না হন, তাহলে স্কুলকে ডকুমেন্ট দুটির ভেতর পার্থক্য ব্যাখ্যা করতে বলুন।
3. মূল্যায়নের জন্য পিতামাতার সন্মতি আবশ্যিক। তিন বছর মেয়াদি মূল্যায়নের জন্য সন্মতি চেয়ে পিতামাতার কাছে চিঠি পাঠানো হয় এবং পিতামাতাকে অবশ্যই ১০দিনের মধ্যে জবাব দিতে হবে। পিতামাতারা যদি উক্ত সময়ের ভেতর জবাব না দেন তাহলে আইইপি টিম মূল্যায়ন পরিচালনা করতে পারবে। যদি পিতামাতা (১০দিনের ভেতর জানান) পুনর্মূল্যায়ন করতে চান না, তাহলে পুনর্মূল্যায়ন করানো হবে না। পিতামাতারা আবশ্যিক ত্রিবার্ষিক পুনর্মূল্যায়নের আগেই যদি পুনর্মূল্যায়ন চান, তাদের লিখিত অনুরোধ করতে হবে। পিতামাতারা যদি তারা স্কুল পরিচালিত মূল্যায়নে সন্তুষ্ট না হন তাহলে ডিওইকে একটি স্বতন্ত্র পুনর্মূল্যায়নের ব্যয়ভার বহন করার জন্য অনুরোধ করতে পারেন। যদি ডিওই অনুরোধ প্রত্যাখ্যান করে তাহলে পিতামাতারা আইনি প্রক্রিয়ার জন্য অনুরোধ জানাতে পারেন।
4. আপনি যদি আইইপি মিটিংয়ে বিদেশি ভাষার দোভাষী চান, তাহলে কমপক্ষে কর্মদিবস আগে অনুরোধ জানাবেন।
5. আপনি আইইপি মিটিংয়ে একজন পিতামাতা সদস্যকে (প্রতিবন্ধিতাযুক্ত শিক্ষার্থীর প্রশিক্ষণপ্রাপ্ত পিতামাতা) নিয়ে যাওয়ার জন্য অনুরোধ জানাতে পারেন। আপনি আপনার সন্তান সম্পর্কে জানেন এমন যে কাউকে আমন্ত্রণ জানাতে পারেন, যেমন টিউটর, বাইরের থেরাপিস্ট, ইত্যাদি।
6. আপনার সন্তানের সকল মূল্যায়ন, পর্যবেক্ষণ এবং প্রগ্রেস রিপোর্টের কপি চেয়ে নিন। আপনার আইইপি মিটিংয়ের আগে ওইসব ডকুমেন্ট পর্যালোচনা করুন। আপনার যদি কম্পিউটার না থাকে তাহলে জিজ্ঞাসা করুন কোথায় অন্যান্য নথিপত্র/তথ্যের কপি পেতে পারেন।

আইইপি মিটিং চলাকালে:

7. আইইপি মিটিংয়ে আপনাকে অ্যাটেনড্যান্স শিটে স্বাক্ষর করতে বলা হবে। আপনার স্বাক্ষর এই অর্থ বহন করে না যে আপনি আইইপি বা মিটিংয়ে বলা সব কথার সাথে একমত হয়েছেন, এটা শুধু প্রমাণ করে যে আপনি মিটিংয়ে উপস্থিত ছিলেন। আপনি যদি আইইপি মিটিং চলাকালে কোনকিছুর সাথে দ্বিমত পোষণ করেন, তাহলে আপনার বিষয়টিকে আইইপি “পিতামাতার উদ্বেগ” অংশে অন্তর্ভুক্ত করার জন্য অনুরোধ জানানো উচিত হবে।
8. রেসপন্স টু ইন্টারভেনশন (RTI), পজিটিভ বিহেভিয়ার ইন্টারভেনশন অ্যান্ড সাপোর্টস (PBIS), এবং অ্যাকাডেমিক ইন্টারভেনশন সার্ভিসেস (AIS) জাতীয় হস্তক্ষেপের কথা জিজ্ঞেস করুন এবং সেগুলি বিশেষ শিক্ষার জন্য মূল্যায়নের আগে আপনার সন্তানকে জোগানো হয়েছিল কিনা জানতে চান।
9. আপনার সন্তানের পালানোর ঝুঁকি থাকলে আইইপি টিমকে অবহিত করুন। আপনার স্কুলের সুরক্ষা প্রটোকল এবং আপনার সন্তানের জন্য সুনির্দিষ্ট পরিকল্পনার কথা জানতে চান। আপনার সন্তানের জন্য যে বিষয়গুলি সবচেয়ে ভালো বলে আপনি মনে করেন সেগুলি স্কুল কর্মীদের সাথে আলাপ করুন।
10. আপনার সন্তানকে তার প্রতিবন্ধী নয় এমন সহপাঠীদের অনুরূপ পাঠক্রম পড়তে দেওয়া হবে কিনা জিজ্ঞেস করুন।

11. শিক্ষার্থীদের ন্যূনতম নিষেধাজ্ঞক পরিবেশে পরিষেবা লাভ করা দরকার যেখানে তাদের চাহিদা পূরণ করা যাবে, যা একাধিক কাঠামো অন্তর্ভুক্ত করতে পারে: আইইপি টিম যদি দিনের কিছু অংশ বা পুরো দিনের জন্য সাধারণ শিক্ষা ব্যতীত অন্য একটি কর্মসূচির সুপারিশ করে তাহলে সেখানে আপনার সন্তানের জন্য তার প্রতিবন্ধী নয় এমন সহপাঠীদের সাথে ভাববিনিময়ে কী ধরনের সুযোগ থাকবে জানতে চান।
12. আপনার সন্তান যদি ১৪ বছর বা বেশি বয়সী হয় তাহলে আইইপি টিমকে জিজ্ঞাসা করুন আপনার সন্তান কীভাবে তার প্রাপ্তবয়স্কদের পরিষেবা লাভে উত্তরিত হওয়ার পরিকল্পনায় অংশ নিতে পারে। সে যদি কলেজ যাওয়ার পরিকল্পনা করে তাহলে কীধরনের সাহায্য লভ্য রয়েছে এবং সেগুলি কীভাবে পাওয়া যাবে জানতে চান। আপনার সন্তান যদি কাজ খোঁজার জন্য বাড়তি প্রশিক্ষণ এবং/অথবা পরিকল্পনা দরকার হয় তাহলে কীভাবে অ্যাডাল্ট কেরিয়ার অ্যান্ড কনটিনিউয়িং এডুকেশন সার্ভিসেস (ACCESS-VR)-এ রেজিস্টার করে পরিষেবা পাওয়া যায় জিজ্ঞেস করুন।
13. আপনার সন্তানের কর্মরত স্কুল টিমের থেকে আপনি কীধরনের নিয়মিত যোগাযোগ প্রত্যাশা করতে পারেন জেনে নিন। আপনি আপনার সন্তানকে কীভাবে সবচেয়ে ভাল সাহায্য করতে পারেন এ ব্যাপারে আপনার কাছে স্কুলের প্রত্যাশা সম্পর্কে জেনে নিন।
14. চূড়ান্ত আইইপি পর্যালোচনার সময়ে মিটিংয়ের বিষয়গুলি মনে রাখার সুবিধার জন্য নোট নিন।

আইইপি মিটিং-এর পর:

15. ডিওই পিতামাতার সম্মতি ছাড়া প্রথমবারের জন্য বিশেষ শিক্ষা ও পরিষেবা বাস্তবায়ন করতে পারবে না। এর পর বিশেষ শিক্ষা কর্মসূচি ও পরিষেবার জন্য পিতামাতার সম্মতি আবশ্যিক নয়।
16. আপনার মূল আইইপির কপি রাখবেন যাতে এর পূর্ণা বাস্তবায়ন নিরূপণ এবং পরবর্তী আইইপিগুলির সাথে এর তুলনা করতে পারেন।
17. শিক্ষককে প্রশ্ন করুন সপ্তাহে কতবার আপনার পরিষেবা লাভ করছে এবং পরিষেবাগুলি ক্লাসের ভেতরে নাকি ক্লাসের বাইরে দেওয়া হয়। আপনার সন্তানকে যদি আইইপি-তে বর্ণিত পরিষেবা দেওয়া না হয়, তাহলে স্কুলের সাথে আলোচনা করুন। স্কুলে যদি সমস্যার সুরাহা না করে, তাহলে specialeducation@schools.nyc.gov ঠিকানায় ডিওইকে ইমেইল করুন। ডিওই একজন ডিওই প্রদানকারী নিয়োগ, বাইরের কোনও সংস্থার সাথে যোগাযোগ অথবা সংশ্লিষ্ট পরিষেবার অনুমোদন জারি করতে পারে যাতে আপনি স্কুলের বাইরের কোনও থেরাপিস্ট দেখাতে পারেন।
18. আপনার সন্তান যদি ইনটিগ্রেটেড কো-টিচিং (ICT) ক্লাসে থাকে, তাহলে নিশ্চিত করুন যে আইইপি সুপারিশ অনুসারে প্রত্যেক বিষয়ের ক্লাসে একজন সাধারণ শিক্ষার শিক্ষক থাকেন।
19. আপনার সন্তানের আইইপি যদি ১:১ প্যারাপ্রফেশনাল সুপারিশ করে, তাহলে সেই প্যারাপ্রফেশনালকে আপনার সন্তানের সাথে থাকতে হবে এবং অন্যান্য শিক্ষার্থী সাথে থাকতে বা স্কুলের অন্য কাজ করতে পারবেন না। দরকার হলে, প্যারাপ্রফেশনালকে আপনার সন্তানের নির্দিষ্ট ধরনের প্রতিবন্ধিতা নিয়ে কাজ করার প্রশিক্ষণ গ্রহণ করতে বলুন।
20. বাসে যাতায়াত নিয়ে আপনার দুর্ভাবনা থাকলে আপনার স্কুলে বাসে যাতায়াতের সমন্বয়কারীর সাথে কথা বলুন এবং তারপর 718-392-8855. নম্বরে অফিস অব পিউপল ট্রান্সপোর্টেশনে (OPT) কল করুন।
21. আপনার সন্তানের আইইপিতে যদি বাসে যাতায়াতের জন্য পূর্ণকাল ১:১ প্যারাপ্রফেশনালের সুপারিশ থাকে, এবং প্যারাপ্রফেশনাল আপনার সন্তানকে স্কুলে না নিয়ে গিয়ে স্কুলে তাদের সাথে বাসে মিলিত হন, তাহলে স্কুলকে অবহিত করুন।
22. আপনার সন্তান যদি এলিমেন্টারি স্কুল থেকে মিডল স্কুলে ওঠে, তাহলে আপনাকে জোনভুক্ত স্কুল থাকলেও মিডল স্কুল ভর্তি প্রক্রিয়ার মধ্যদিয়ে যেতে হবে। প্যারেন্ট কোঅর্ডিনেটরের কাছে স্কুল পরিদর্শনের সময় জেনে নিন।
23. আপনি যদি আপনার সন্তানের বিশেষ শিক্ষা কর্মসূচি, পরিষেবা, মূল্যায়ন, বর্গিকরণ, অথবা বিশেষ শিক্ষার জন্য যোগ্যতা বিষয়ে ডিওইর সাথে র সাথে দ্বিমত পোষণ করে থাকেন তাহলে আপনি মধ্যস্থতা বা নিরপেক্ষ শুনানির জন্য অনুরোধ জানাতে পারেন।